



Broj: 13-03/1-04-50075-10.1/23  
Sarajevo, 27.12.2023. godine

**SKUPŠTINA KANTONA SARAJEVO**  
Služba za skupštinske poslove  
**- O v d j e -**

**KANTON SARAJEVO**  
Stručna služba Vlade  
**- O v d j e -**

Zastupnica Marijela Hašimbegović je na 12. Radnoj sjednici Skupštine Kantona Sarajevo, održanoj dana, 24.11.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavila slijedeće zastupničko pitanje:

**“U kojoj je fazi je dokument Strategija demografskog razvoja?”**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Marijele Hašimbegović, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Vlada Kantona Sarajevo je rješenjem imenovala Projektni tim za izradu Strategije demografskog razvoja Kantona Sarajevo (u daljem tekstu: Projektni tim), a čiji je zadatak izrada predmetne strategije kako bi se na osnovu iste realizovale aktivnosti usmjerene na postizanju pozitivnog demografskog trenda.

Donošenjem ovog rješenja, Vlada Kantona Sarajevo je iskazala opredjeljenje za izradu i usvajanje strateškog dokumenta u oblasti demografskog razvoja u Kantonu Sarajevo, a Projektni tim je ovim rješenjem zadužen da po završetku zadataka, putem resornog ministarstva Vladi Kantona Sarajevo i Skupštini Kantona Sarajevo dostavi Strategiju demografskog razvoja Kantona Sarajevo na nadležno odlučivanje.

U tom smislu, članovi Projektnog tima su sačinili Stratešku platformu Strategije demografskog razvoja Kantona Sarajevo koja predstavlja prvu fazu u izradi Strategije demografskog razvoja Kantona Sarajevo. Između ostalih aktivnosti, realizirali se intervjue i prikupljanje podataka od relevantnih aktera, organizirali provođenje ankete na području svih općina u Kantonu Sarajevo, te analizirali i obradili dobijene podatke.



Strateška platforma Strategije demografskog razvoja Kantona Sarajevo je prezentovana Vladi Kantona Sarajevo, a po usvajanju Informacije o izradi Strateške platforme Strategije demografskog razvoja Kantona Sarajevo od strane Vlade Kantona Sarajevo, o predmetnom dokumentu su se provele konsultacije kako je to i propisano Uredbom o izradi strateških dokumenata u Federaciji Bosne i Hercegovine.

Nadalje je Projektni tim organizirao i realizirao radionice za zainteresovane subjekte, formulisao prioritete i mjere, te navedeno prezentirao Vladi Kantona Sarajevo, a naknadno su prezentacije provedene i pojedinačno u ministarstvima. O aktivnostima koje je realizovao, Projektni tim je mjesečno informisao Vladu Kantona Sarajevo.

Slijedeća značajna aktivnost koju Projektni tim trenutno realizira shodno metodologiji koju nalaže Uredba o izradi strateških dokumenata u Federaciji Bosne i Hercegovine, je izrada indikativnog finansijskog okvira za provođenje strateških dokumenata.

Planirano je da Projektni tim aktivnosti na pripremi Strategije demografskog razvoja, odnosno pripremi Nacrta Strategije demografskog razvoja Kantona Sarajevo, okonča do 31.12.2023. godine, a nakon toga dokument ide u proceduru donošenja od strane Vlade i Skupštine Kantona Sarajevo. Međutim, zbog određenih neplaniranih okolnosti, navedeni rok će biti prolongiran.

Ono što smatramo značajnim je činjenica da je Projektni tim obavezan učestvovati u svim fazama postupka razmatranja i donošenja Strategije demografskog razvoja Kantona Sarajevo od strane Vlade Kantona Sarajevo, radnih tijela Skupštine Kantona Sarajevo i Skupštine Kantona Sarajevo.

S poštovanjem,

Pripremila: Smaragda Lučkin, šef Odjeljenja

Kontrolisao: Miralem Dedović, pomoćnik minist

Dostavljeno:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2